

皇清經解續編

皇清經解彙編

春秋朔閏異同序略

蒙旣采黃帝已來六厯益之以三統成七術以推演春秋朔閏
厯三閱月甫歲事慮其義例未明因序略曰晉書律厯志謂漢
末宋仲子集七厯以考春秋微波榭所葉杜氏長厯謂漢末宋
仲子集十厯以考春秋宋氏之書久亡七與十未審孰是晉書
律厯志有黃帝顓頊夏殷周魯三統乾象泰始乾度十厯之目
然自黃帝六厯下唯三統乾象爲漢術宋氏漢末人得見固已
若泰始乃晉武帝泰始元年因魏之景初術改名乾度則又咸
甯中善算者李修卜顯依論體爲術尤後于泰始宋氏安能豫
用其術參以姜岌稱今所傳七厯皆未必是時王之術誠以七
家之厯考古今交會信無其驗也是仲子所集者自非十厯愈

顯狀可見孔刻長厯作十厯蓋杜氏長厯說有云又并考古今
十厯以驗春秋與宋氏云云文意略同牽連致誤有由來矣當
從晉志爲是七厯不可詳以意度之六厯而外三統先乾象百
餘年似無舍三統而取乾象之理長厯未絕于世釋例曰閏月
無中而北斗衰指兩辰之間所以異于他月積此以相通四時
八節無違乃得成歲及校其所置閏則又不然如文元年閏在
三月下文二年閏在二月下前後相隔猶不及一期僖十二年
閏在二月下僖十七年閏在十二月下前後相隔幾七十餘月
近則頻年置閏旣失之太過遠或距及四五年復失之不及尤
可議者因襄二十七年傳有辰在申之文二十八年經書春無
冰遂于二十七年十一月下頓置兩閏夫三歲一閏五歲再閏

聾瞶皆知當時史官縱失職恐未必荒繆若是征南嘗謂自古以來諸論春秋者多違繆無異度己之跡而削他人足若征南徒以遷就求合有乖厯數是又無異度他人跡而削己之足也正義曲爲之解不無阿私習聞吾鄉陳泗源先生曾譌春秋長厯十卷爲補杜氏而作惜未得見錫山顧震滄先生譌春秋大事表分朔閏爲四卷又長厯拾遺及附錄一卷非不攷覈精密援引賅博特顧氏本不知厯唯馮排數日月故于襄二十七年下一仍杜氏長厯疊置兩閏近歸安姚文僖公遂雅堂學古錄有春秋朔閏表二卷云夏正承顓頊後實爲厯法之宗殷周雖改正朔其大灋必不能變然細按之姚所用者非顓頊術實殷術也且欲附會漢太初元年爲丙子竝繆指魯隱公元年爲戊

午開卷便錯他可知矣歷觀其表凡杜氏乖繆無不尤而效之
且加甚焉試一舉之杜氏頻年有閏如文元年在三月下文二
年在二月下姚則效之于僖三年四年俱在十二月下更甚者
于僖二十二年二十三年二十四年俱置閏在十二月下杜氏
一年兩閏如僖二十七年疊置在十一月下姚則效之于文元
年既置在三月下又復加置在十二月下更甚者于襄二十八
年十二月下疊置三閏閏者所以歸束餘日也歲有餘日積久
成月不閏則差積數月寒暑遞違故傳曰閏以正歲三閏是一
時也抑知三閏以前不幾秋冬易時乎攷諸哀十二年冬十有
二月螽傳季孫問諸仲尼仲尼曰火伏而後蟄今火猶西流司
歷過也襄二十七年冬十有二月傳作十一月乙亥朔日有食之傳

辰在申司歷過也再失閏矣使果秋冬易時左氏豈無一言是知其必不然矣蓋春秋魯史也雖經孔子筆削而舊有闕誤因史成文斷不率爾更正闕文多在桓莊時以去聖人之世太遠聞見所不逮故孔子曰吾猶及史之闕文也又曰蓋有不知而作之者我無是也又曰多聞闕疑又曰君子于其所不知蓋闕如也抑有說焉春秋距今二千餘年書非金石幾經傳寫能無展轉失真故正義曰或史文先闕而仲尼不改或仲尼備文而後人脫誤茲但就昭昭在人耳目間者論之如桓十四年夏五定元年春王又桓六年春正月實來莊二十四年冬郭公其最著者也嘗涉獵經傳竊疑宣十七年經書蔡侯申卒哀四年經書盜殺蔡侯申

殺公穀作弒

文侯乃昭侯高祖也桓二年夏四月傳

臧哀伯諫納郤大鼎下有周內史聞之曰臧孫達有後于魯之
文莊十一年秋宋大水傳公使弔臧文仲曰宋其興乎下有臧
孫達曰是宜爲君之文文仲乃哀伯孫也兩蔡侯申兩臧孫達
其間似有一誤或曰此人名之譌無預于日名孰知日名之躋
奪尤甚如宣三年冬十月經于丙戌鄭伯蘭卒下接書葬鄭穆
公卒葬同日必無之事春秋避同日者如僖十六年經春王正
月戊申朔隕石于宋五是月六鷁退飛過宋都因自有例在再
書者如桓十二年經冬十有一月丙戌公會鄭伯盟于武父丙
戌衛侯晉卒是亦有例在此可知葬鄭穆公上必有落句也又
如桓五年春正月甲戌己丑陳侯鮑卒一事兩日傳謂再赴公
羊謂曷爲以二日卒之憾也甲戌之日亡己丑之日死而得君

子疑焉故以二日卒之穀梁謂甲戌之日出己丑之日得不知死之日故舉二日以包之似俱未得其解此尤一大疑獄也甲戌距己丑十五日疑己丑上甲戌下之間尙書他事不知何時逸去耳其同日異事如襄十四年經四月己未衛侯出奔齊傳四月己未子展奔齊

傳于此下亦有公出奔齊之文同經

昭元年經六月丁巳邾

子華卒傳六月丁巳鄭伯及其大夫盟于公孫段氏姑勿深考或一事異月如莊八年經十有一月癸未齊無知弑其君諸兒傳冬十二月齊侯游于姑棼昭十三年經夏四月楚公子比自晉歸于楚弑其君虔于乾谿傳夏五月癸亥王縊于芊尹申亥氏二十二年經冬十月王子猛卒傳十一月乙酉王子猛卒或一事異月而同日如僖十五年經十有一月壬戌晉侯及秦伯

戰于韓獲晉侯傳九月晉侯逆秦師使韓簡視師壬戌戰于韓

原十七年經冬十有二月乙亥齊侯小白卒傳冬十月乙亥齊

桓公卒

傳有十二月乙亥赴辛巳夜賓之文

成十年經五月丙午晉侯獮卒傳六

月丙午晉侯欲麥將食張如廁陷而卒襄二年經六月庚辰鄭

伯論卒傳秋七月庚辰鄭伯論卒九年經十有二月己亥同盟

于戲傳十一月己亥同盟于戲二十五年經秋八月己巳諸侯

同盟于重邱傳秋七月己巳同盟于重邱齊成故也二十七年

經冬十有二月乙亥朔日有食之傳十一月乙亥朔日有食之

昭八年經冬十月壬午楚師滅陳傳冬十一月壬午滅陳或一

事同月而異日如僖二十八年經五月癸丑公會晉侯齊侯宋

公蔡侯鄭伯衛子莒子盟于踐土傳五月癸亥王子虎盟諸侯

于王庭昭八年經夏四月辛丑陳侯溺卒傳夏四月辛亥哀公

縊或一事月日竝異如文二年經三月乙巳及晉處父盟傳夏

四月己巳晉人使陽處父盟公以恥之襄十九年經秋七月辛

卯齊侯環卒傳夏五月壬辰晦齊靈公卒二十八年經十有二

月甲寅天王崩傳十一月癸巳天王崩傳有王人來告喪問或

一事異年如經僖八年冬十有二月丁未天王崩傳僖七年冬

閏月惠王崩甚或一事兩見于傳而年月日不同如昭三十二

年冬十一月晉魏舒韓不信如京師合諸侯之大夫于狄泉尋

盟且令城成周己丑士彌牟營成周定元年春王正月辛巳晉

魏舒合諸侯之大夫于狄泉將以城成周經昭三十二年冬仲

齊高張宋仲幾衛世叔申鄭國參曹孫何忌會晉韓不信

人莒人薛人杞人小邾人城成周更有或同月或相連二三

月及數月前後日名不相協如僖九年經九月戊辰諸侯盟于

葵邱甲子晉侯倮諸卒甲子在戊辰前四日月有戊辰在前不

得又有甲子在後襄二十八年經十有二月甲寅天王崩乙未

楚子昭卒乙未在甲寅前十九日月有甲寅在前不得又有乙

未_{在後}

傳僖十一月
癸巳天王崩

昭十三年傳夏五月癸亥王縊于芊尹申

亥氏乙卯夜棄疾使周走而呼曰王至矣國人大驚丙辰棄疾

卽位名曰熊居乙卯次日卽丙辰丙辰在癸亥前七日月有癸

亥在前不得又有乙卯丙辰在後

經僖四月弑其君虔于乾谿
而無日且一爲縊于芊尹申

亥氏一爲弑于
乾谿亦復互異

此就同月言也如襄二十八年傳十一月乙亥

嘗于大公之廟癸巳天王崩十二月乙亥朔齊人遷莊公殯于

大寢癸巳在乙亥後十八日十一月有乙亥癸巳十二月不應

乙亥朔

經稱十二月甲寅天王崩

昭元年傳十一月己酉公子圍至入問王

疾十二月甲辰朔烝于溫己酉在甲辰前五十五日十一月有

己酉十二月不應甲辰朔定十五年經八月庚辰朔日有食之

九月丁巳葬我君定公雨不克葬戊午日下昃乃克葬辛巳葬

定姒戊午爲丁巳之次日丁巳在庚辰後三十七日八月庚辰

朔九月應有丁巳戊午而辛巳在戊午後四十三日不應與戊

午同月此合兩月言也如隱八年經秋七月庚午宋公齊侯衛

侯盟于瓦屋九月辛卯公及莒人盟于浮來傳八月丙戌鄭伯

以齊人朝王禮也丙戌在庚午後十六日辛卯前五日七月有

庚午九月有辛卯則八月不得有丙戌隱十年經冬十月壬午

齊人鄭人入郕傳八月壬戌鄭伯圍戴九月戊寅鄭伯入宋戊

寅在壬戌後十六日壬午前四日八月有壬戌十月有壬午則

九月不得有戊寅此統三月言也如成十七年經九月辛丑用

郊十有一月公至自伐鄭壬申公孫嬰齊卒于狸脰脰公羊作軫穀梁作

蜃十有二月丁巳朔日有食之傳十月庚午圍鄭是年傳于十月下有閏

月乙卯晦殺胥童之文則前此無閏益明壬申在庚午後二日辛丑在壬申前三十

一日在庚午前二十九日九月有辛丑在丁巳前十六日更盈

一周為七十六日十月有庚午在丁巳前四十七日以此計之

九月至十一月下皆無閏壬申在丁巳前四十五日十二月丁

巳朔十一月不應有壬申傳稱十一月諸侯還壬申至于狸脰與經同公羊稱非此月也曷以此月

日卒之傳君命也穀梁稱十一月無壬申乃昭二十二年經十

十月也致公而後錄臣子之義也與經傳異

有二月癸酉朔日有食之傳十一月己丑敬王即位十二月庚

戊晉籍談荀躒賈辛司馬督帥師軍于陰閏月辛丑伐京二十
三年春王正月壬寅朔二師圍郊癸酉在壬寅前二十九日二
十二年十二月下有閏二十三年正月壬寅朔則二十二年十
二月不應癸酉朔己丑在癸酉前四十四日庚戌在癸酉後四
十七日十二月癸酉朔則庚戌不應同月而十一月亦不應有
己丑又壬寅既爲朔辛丑在壬寅前一日何以不書晦此括數
月互相爲比言也凡此皆經正文蔑由所從若成十八年傳正
月辛巳朝于武宮正義謂服虔作辛未則又別本異文無待旁
及矣蒙滋惑有年意宋氏所集七厯當是各具得失不究是非
故曰考非若杜氏之少有不合輒改經傳也不揣樸昧每欲追
步後塵顧牽于人事東西邈堂未能從事于斯偶一推演斷簡

叢楮半積敝筭今年秋以海城沈筠垞大令見招匹馬出關課

生徒肄左氏業爰據開元占經一百五黃帝術上元辛卯至今

二百七十六萬八百六十三算外

今謂開元二年甲寅上距魯隱公元年已未積一千四百

三十五算數內當減此數方是隱元積年下六術并同

顯頊術上元乙卯至今二百七十

六萬一千一十九算外夏術上元乙丑至今二百七十六萬五

百八十九算外殷術上元甲寅至今二百七十六萬一千八十

算外周術上元丁巳至今二百七十六萬一千一百三十七算

外

原文三十下脫去七字今據五經算術增入

魯術上元庚子至今二百七十六萬

一千三百三十四算外

唐志謂魯術南至先周術四分之三而朔後九百四十三分日之五十一倍

公五年冬至庚戌據此是上元日名起己酉元紀部章之首有閏餘十九分之七術當置入部年外所求以章月乘之加七如章歲而一得積月不盡爲閏餘閏餘十二已上其歲有閏以部月乘積月滿部月爲積日不盡爲小餘六十去積日不盡爲大

餘減大餘十小餘八百二十七餘命以部算外天
正朔日此因章首有閏餘故術有加減他術異是前漢劉歆三

統術上元庚戌至今一十四萬三千九百四十四算外此數與漢志合

檢舊橐重加校核其未算者亦足成之虛擬宋氏集七厯例臚

列異同大氏春秋二百五十五年此據傳年數除三十七日食不計

外諸書朔者十五見經者二見傳者十三經則僖十六年五月

戊申朔隕石于宋五十二年十一月己巳朔宋公及楚人戰

于泓傳則僖五年正月辛亥朔日南至十二月丙子朔晉滅虢

文元年五月辛酉朔晉師圍戚十一年正月甲子朔此條見襄三十年絳

縣人疑成十八年二月乙酉朔晉悼公卽位于朝襄十八年十

一月丁卯朔人平陰二十六年三月甲寅朔享子展二十七年

六月丁未朔宋人享趙文子叔向爲介二十八年十二月乙亥